

清音樓遺稿

上

柳田文庫
文庫11
A1153
1



文庫11
A1153
1

文政癸未歲

清音樓遺稿

蘭雪亭藏梓

柳田泉文庫



序

尚書古尺

蘓門公碩學茂行世皆知
之今不必言余久辱公
知愛已論詩酒談論相
得甚驩即其眷遇之不

清音樓遺稿

序

淺乃至取鄙集捐金命
刻何其息也公齡八十二
今春正月甲戌本曾福
島之館余得訃潛島累
日頃者今主君使侍

王武居禎以齋其遺稿
來敝廬命金校訂又賜
以繭綿數斤及公遺
物玉盃鶴氅衣本曾去
我筑二千餘里天遠海

阻雖出甚孝思之不已抑
何厚意之至于此也余既
望董擇賜又仰思公
平生之雅不覺淚重沾
巾矣禎亦留余廬待授

成余草、不遑自恥拙
劣謹應命閱上又係以
此言

文政六年夏五月

久留米榊島公禮

東武 龍潭章書



Faint bleed-through text from the reverse side of the page, including characters like '清音樓遺稿叙'.

清音樓遺稿叙



岐蘇山村君升龍景景嘗從
余遊其大父蘇門公世德以
猶稱孫尹既告老恒以圖書
研為娛去年正月老病漸篤
氣衰捐館舍至七原叔秘曾身水

郝。時携。蘓門公詩文遺稿。按之余且曰。是吾夫父之稿也。將鐫法本以謀不朽。懼人之謂此舉也。物曰為名也。則病者存而實亡。名余曰。何傷乎。君子不忘本也。若子。若孫。之於其

父祖。雖其服玩器用之微。務求謹守而弗失。而况於文。其精神心術之印。寓鐫而傳之。誰曰不可。而又何以病為。特結起拜曰。如是。則吾意決矣。第快集多疵瑕。恐取笑於大方。

清音樓遺稿 又

幸痛徧改。宜且叙之。良緒之
願也。余曰。吾。蘇門公世職
且久。聽政未。尾藩蓋以德
業顯。如。文。刻。固其能。解。
昂。弓。少。極。心。豈足以累於
公哉。有人。於。醜。甚于。懸。而。於

疑。之。者。其。宜。若。而。假。若。之。病
其。顏。面。之。色。澤。而。滬。丹。之。美。質。
美。矣。然。終。不。如。全。其。素。質。不
假。飾。者。之。為。天。真。也。詩
文。亦。猶。此。集。也。公。之。精神
富。焉。吾。烏。能。忍。加。損。而。毀

傷之。况乎此舉非為名也。勿
固之名必求巧。林鶴起在
曰。如乞則吾心安矣。毋思德
叙而僅於述名。如之何。余乃
曰。叙之甚實也。且法亦名。
吾保未見。以蘇門公而論。讀

此集矣。又後林鶴起矣。夫祖
孫一體。見叔態。松見。蘓
門公也。讀此集。曰。讀其心術
也。然則吾亦在傳知之末
也。雖叙之亦無不可。林鶴起
起拜曰。如是則良緒之願

之矣。禱者道福之。乃次叙
其語如狀。

文政八年乙酉冬月

江都一齋佐藤坦撰



關研書



清音樓遺稿卷之上

山園雨晴朝散大夫山邨良由君裕著

良祺公壽

孫 良彰士德 同校

良緒村稽

臣 武居端正甫

題畫

飛耶胡蝶卧耶莊子天地一夢何論彼此

九日登龍安寺山

清音樓遺稿

北阜秋登巨刹隈方逢佳節樂悠哉松間鳳闕人煙
遠山下龍宮池水開紅葉深邊燒煮葷蒼岩平處踞
銜杯年年九日登高興興若今年知幾回

布引灑

維昔英魂作疾雷一震斯處報讐來白虹今掛祥雲
裏長使騷人競賦才

冬雨中對酒

幽園雨靜暮鐘微樽湛葡萄獨掩扉怪得寒光侵鶴
鬢紛紛半作雪花飛

華表嶺

高嶺重重路逶迤兩軍斯處競雄雌鋒銳信將疾風
起戰苦峽兵衰草靡雲繞青峰疑捲幕風吹白樺若
翻旗此身方似遼東鶴回首當年動感悲

賦得雪中觀獵

漢將于田朔塞傍原頭白草雪茫茫重環盧蹴瑤花
吹掣鏃鷹衝玉絮翔却月翻身弓宛轉寒風鳴響馬
騰驤釋柵歸過新豐市呼酒論功意氣揚

蘓武使胡

凜冽陰風獨牧羊夢中何處帝王鄉一從持節歸
關萬古昭昭竹帛光

寒村尋梅

尋梅閑步傍溪邊野岫邛橋獨轉旋雪裏暗香何處
所清漣汀上月娟娟

邊伯高客寓岐岨同諸士見訪草堂喜而賦贈
聚首人間似泛萍飄然紗帽暫相停虛名謬比蘇門
嘯健筆堪題劍閣銘岳雪光含毫未白雲山色入眼
中青縱如工部侵巖武慚我不堪休鳳翎

雪夜泊舟 新自出關園然白飯一曲高唱蘇味

泊舟高岨下捲雪北風來洲渚皆飛絮江村惟落梅
新詞惠連筆清興子猷杯雲散懸明月乾坤一玉堆
尋隱者不遇得一先

杉松深鎖兩三椽磻戶惟看白鶴眠牆外閑春雲碓
水窗中漸斲藥爐煙非隨道士探岩洞應伴漁翁釣
野川方欲攀蕉題姓字千峰落日自蕭然

留別今井士欽

載筆相携帝里間幾多之水幾多山勿怪京畿彩雲

少令我盡收囊裏還

宿畫島

樓架仙雲五色連海中
突兀坐中天通宵月
霽心如洗身似蓬萊島上仙

壽石川大夫六十

管絃花擁郭門東
不與尋常壽宴同
端委兩朝人盡望更期千歲佐吾公

獨坐對月

蒼松宛轉竹清脩
月出閑園照白頭
一曲高歌無和

者蟲聲唧唧滿庭秋

善黑川里正古幡氏世脩武備賦此與之

多汝不忘危常脩炮與鎧
須誦無衣篇世世慎勿怠

夏日過飲田重宏快哉亭

多謝主人情門前倒屣迎
茶應欺陸羽琴欲學淵明
煙靄千山聳波濤八澤清
快哉今夜興自不負亭名

秋日過越畑孫二郎宅

橋南過古驛驛北入原田
雲外高低嶺樹間
三兩椽停筇問農業
踞石就詩篇
更到林丘裏叩門斜日前

金輪亭

仰則青山聳俯則綠水來不問仁與智俯仰都樂哉

酬邊伯高見贈

聞君滯田舍應嘆土風偏高岳常留雪深林自隔天
都無鯉勸醉却有蠅妨眠涼夜駒峰月只當酬錦篇

倉端平求予詩因賦却寄

靈運名聲鳴帝州惠連相助共風流夢吟佳句君家
事還笑殷勤向我求

過興禪寺奉懷道偉君

陪筵憶昨弄埴簾屈指偏驚歲月移諸弟今存纔有
我羣臣曾侍是何誰萬松風起經聲響千嶺鐘流雲
色垂曾喜吾家仲謀出深慚獨駐一豚兒

謝豐雲師惠畫

君不見東都處士宋然石畫名一時自赫赫盤礴嘗
畫猛虜圖人間傳觀充拱壁一朝竹林起颶風吹畫
飄落碧山中山中高僧多雅賞朝昏愛翫藏梵宮蘓
門山翁有畫癖觀之絕叫嘆神工高僧由來無人我
贈畫不惜敝蹤同山翁受得十襲回展之堂上黑霧

開金毛雨濕怪巖外鐵爪風生深竹隈雲間別添瀑
水響風聲雨聲動地來豈但風雨聲動地神威自與
凡庸異始知曾侍豐干傍日聞梵音悟空意我亦懸
車辭去間緣汝欲問隨

歸路作

歸路忘籃輦飄飄遵澗流足為思詩蹶節依貧景留
黃遍山田晚紅妝野樹秋他時相會夕應屢語斯遊
送人歸隱江州
君言此去濯塵纓不盡風光不盡情夜吊紫姬湖月

裏雲波縹緲淡津城

枕流亭

岩背茅亭倚水濱青松繞屋自無塵南窗夢覺涼風
足身是天神七代人

題畫

牧馬平原上斲草看欲嘶奔蹏天遊足不羨錦障泥
中秋無月與歌者勝子

雲雨忽遮明月團應知人在會心難中天空仰中秋
色一歲方違一夜歡窗外蟲鳴風荻亂池邊鳥宿露

荷寒清歌好有梁塵動對汝通宵倚竹欄

將發東都留別諸子

墨水幾銜花月杯偶然留滯偶然回親朋若問重遊
日請看岵山雲去來

哭本田子篤

子篤善星曆又著寬齋叢書

玉折一朝令我驚公宮懷昨盡忠誠常隨記室司金
匱時上觀臺在玉衡曾約同遊花與月豈圖頓隔死
將生千秋好著叢書去天下共知田子名

海量師見訪示登御岳作因用其韻

一從攀岳上青天訪我降來岵水邊衣上怪看光彩
動峰峰七十二雲煙

西邨櫻花

誰取茅溥白雪葩移來爛熳映汀沙韶光不借明皇
鼓冷艷休驕潘縣花十里香雲埋樹杪千羣振鷺集
江涯三春買醉惟今日藉草咏吟即作家

題畫

錦羽魚朱觜雙棲花樹隈欲將彩筆競奈之江淹才

同前

被髮悠然醉何須羨彫輪誰知此時樂明月自無塵
登白雲山
白雲山峻白雲中屈曲穿雲仄徑通幾踏巉岩過絕
壁直凌煙霧步虛空翠青峰合郊關北武上天開驛
樹東昏黑到來深洞裏異香知近羽人宮

冬日謁經塚

一路縈回傍水移北風吹雪雪靡靡下輿閑步深林
裏石上布氈對古碑

題畫

日下雙仙鶴聯翩相伴回若非向玄圃定識集蓬萊
和瀧川氏時瀧川氏一歲兩度遭大喪
春花與秋月血淚幾回垂斯人有斯痛天道使人疑

遊大通寺園池

小岫臨禪室清池景自深更懸駒岳月照得主人心
謝海量和尚再過訪

飛來金錫復相留啜茗同凭明月樓涉水登山一宵
話都如萬里御風遊

又

科頭相對綠池間
談佛談詩心自閑
此日迎君何所
贈白雲積在玉臺山

七夕與秋玉芝吉文祥同登清音樓

千山日落月光浮
佳節相迎此壯遊
天上二星忘恨
夜人間三友盡
歡秋詩裁織女機
中錦酒瀉明河雲
外流幾處今宵會
騷客誰知高興在斯樓

途中過贛川氏池亭

路傍新築倚江湄
暫下肩輿傾酒卮
休怪離愁散如
洗耳遊流水目清池

中秋無月川合襄平東行之次見訪草堂賦贈
有客飄然臨草堂
况逢佳節共飛觴
同心不問交新
故攘臂更論詩
漢唐都為嘉賓携
逸興何愁明月惜
清光吟行明日筭
吹嶺回首岨山是
渺茫

十三夜草堂集

深秋會友月華前
更語曾遊憶舊年
玉戶吹簫鳧渚
暮雲窓聞鹿曾山
天桂花隔霧香纔
動銀鏡過池影
未圓世上回首為
感慨醉拚悲喜是
神仙

秋盡

衰荷老菊雨冥冥
日夜溪流不暫停
玉露凋餘楓似錦
明朝亦伴朔風零

和虛菴翁見贈韻

童顏鶴貌自仙才
謝客林扉晝不開
月照平湖天一色
獨繙黃老坐高臺

同前

久識元龍抱逸才
千山東望月明開
截湖鹽嶺秋應遍
人在清風百尺臺

九日遊興禪寺

佛閣深沈萬樹間
相將緇素訪禪關
詩中彩照千山錦
手裏談耽半日閑
斜日布金黃菊苑
長風調瑟碧松山
厭厭從膝論名理
蓮漏更闌未道還

和文室和尚見寄韻

扣扉曾接鉢中龍
禪窟元知百代宗
回首昔遊為一夢
病牀秋靜五更鐘

詠向日葵

羣芳春過獨留黃
幽賞朝昏愛淡妝
嘯咏向花花向日
屢移庭上白藤休

蘭雪亭新成

途自圮橋上小亭池水西蘭香吹舊話雪色入新題
文擬屈將宋隱同阮與嵇千秋相約處烽嶺月含圭
六月廿三日里社神會

明神鎮土據高岡此日巖裡臨我鄉社鼓林深風送
響靈輿玉動雨含光五陵雲接三橋捲臺嶺天連駒
岳長遙拜行宮坐樓上龍旂閃閃樹蒼蒼

讀繼志編

逝水不回哀慕深編中詩賦盡高吟嗚乎大孝誰能

已繼得千秋父祖心

題畫

一自三山上来留垂柳邊朝昏伴君子不必冲青天

同前

紅梅暎斜照枝枝瓊玉新畫中風不入伴鶴經幾春

同前

春色三穗浦三峰隔海浮鬱葱萬松裏恐有羽人遊

暮春會枕流亭懷石梁先生

憶昨斯亭載筆随天涯一別歲華移臨流復酌三年

酒迎友再賡百首詩堤路人稀花落後樓船絃發雨
晴時海西春色今何若夢裏應吟墨水湄

寢覺林

清流一帶石崖中如象如猊岩競工日落靈風捲波
起人言潭底有龍宮

古處原子和予所示詩見寄回再用前韵贈之
載華江山五色輝乘秋幾處問幽微沙明松暗函崎
浦落日千帆畫裏飛

和古處原子和予所示詩見寄回再用前韵贈之

日門故三四及之

詩談半日駐歸程相值歡情即別情新著耻無金石
響鏘鏘欲借鳳皇鳴

夏日題大信就翠竹亭

左倚溪流右竹篁北窗高卧午陰涼清風時載幽人
夢吹落閑潭魚樂鄉

御殿山

何處佳人態自深下輿連袂步櫻林江風一陣花如
雪亂點飛登碧玉簪

木母寺

長堤盡處梵王家，櫻樹如雲繞閣斜。
日夕風悲何笛墳前吹落落，梅花

日暮里

山寺花開仄徑分，園林無處不芳芬。
吟行乘興忘歸路，醉殺旗亭坐暮雲。

海晏寺

深林夏冷梵王家，目見青楓不見花。
更想霜天飄錦日，門前應駐幾人車。

秋日登望湖樓

日落樓臺坐水濱，平湖茫渺自無塵。
瑤笙曲罷人聲絕，萬頃波中月一輪。

雲山樓閣圖

簷空樓閣幾重重，羣鶴飛來集碧松。
應是神仙遊樂處，雲深三十二連峰。

明妃曲

穹廬維室毳維帷，酥酪嘗來心益悲。
吾願一為黃鵠去，凌空直向漢宮之。

秋雨泛舟

白髮飄然篔簹翁扁舟隨浪任西東乘閑方欲探詩料多少秋山煙雨中

江上秋望

隔浦霜楓兩岸秋長江日落晚雲收更驚明月離高嶺千丈金龍蹴浪流

秋日送友人遊但州城崎溫泉

名山繚繞洞雲晴仙液浴來心自清雪白洲邊時對月飄飄應若坐蓬瀛

賦得夜雨宿山寺

帝嘯猿啼夕霧沉瀟瀟山雨暗空林通宵不睡聞仙梵響和芭蕉點滴音

賦得雪中射獵

勁風吹雪雪耗耗射帝追熊獵正酣冰透刀瘢不知苦直驅神駿破層嵐

秋夜山居

秋風淅淅月如環木葉飛埋苔徑間夜靜空林聲忽起方知羣鹿下前山

春日遊梅莊

梅樹莊中梅樹春雙雙。袿服起芳塵。徘徊女伴顏如
玉。知是羅浮月下人。

登淺草大悲閣

雷神門簷接江濱。大道縱橫漲市塵。賽客紛紛來與
往。和顏都是太平人。

登愛宕山

宕嶺攀來倚紫霞。雄都一望渺無涯。誰知武野茫茫
草。化作樓臺億萬家。

高輪晚望

高樓極目對秋風。碧海湯湯望不窮。日落羣鴉飛盡
處。危檣擁簇水煙中。

東叡山

飛來叡岳海之東。高閣巍巍摩碧穹。三十六房春不
斷。萬花叢裏坐香風。

不忍池

臨池宮殿玉為楹。水若瑠璃繞檻平。夜靜靈風壇上
起。恍聞天女四絃聲。

高尾祠

江岬花飛日色傾祠前。佇立獨傷情。一朝非捨芳蘭質。千載何留烈女名。

湯島天滿宮

地高雕棟接青冥。倚檻風光似畫屏。神德由來何所比。蒼天燦燦文昌星。

飛鳥山

飛鳥山頭千樹櫻。繁花月照白銀清。携樽布毳觀三日。碑下非關學率更。

日本橋

大道直通橋上春。往來車馬漲紅塵。河流拍岬清如鏡。影動東西南北人。

三圍山

屈曲防堤墨水湄。堤南堤北柳如絲。乘春拾翠青樓女。招郎並步謁叢祠。

送武居端聞父病歸養

山途三十七亭連。踏破千峰萬嶺煙。到日方投仙藥去。愈來應醉月明天。

洲崎

兩岬村開碧海隈都鍾望遠鏡中來春潮退處如平
野兒女皆持大蛤回

品川晚望

品江斜日暮雲賒何處樓船繫海涯驚見艦頭一星
火飛為空裏萬尋花

秋雨懷鄉

春夏如流客裏過更聽秋雨灑庭柯今朝應漲門前
水鱸集釣磯知幾多

書圖隣院海棠本嶺三軒正此處

隣院春風隔短牆海棠花發媚斜陽紅葩遮萼芬芳
少吹到佛鑪蘭麝香

三日後一日會石梁先生書堂

百尺書樓朱第邊風流此日引羣賢後時還擬蘭亭
會未暑先開河朔筵門對綠山含彩霧窗臨赤水傍
清漣主人歸去辭方就恨殺交歡易隔年

春陰

城鐘聲濕夕陽移忽見陰雲釀雨垂多恐狂風破紅

萼呼人俄議探花期

尚友舍集限真韻

尚友堂中集衆賓方逢柳擘鶯嬌辰翰墨滿筵都李
社交遊無客不雷陳高低樓閣圍花寺來往綺羅隔
水人厭厭清興稱難盡投轄何須更學遵

復原樓集

高樓春靜絕塵區相遇弟兄齊大儒天地縱無遺一
老交遊方喜列雙珠蛙原暮色催詩賦富岳春光入
畫圖聚散人間本難定唯須此處倒尊壺

又得二冬

第四街西藥草濃麗譙春上此從容於詩於酒交歡
熟維柳維花錦繡重地靜不知隣市井煙疎反望籠
芙蓉觀棋數局忘歸坐已見牆西晚日春

自江都歸過白井嶺

石徑崎嶇不易登高岨踏處自兢兢驚看脚下飛鷗
過身在雲山第一層

同前過和田嶺

嶺頭停杖立雲端四月深林殘雪寒南有駒峰西御

嶽相看一笑喜平安

和方壺山人贄川驛見贈之韻

早發湖邊逐曉更。此來先喜近歸程。
入鄉方破三年夢。遇友忽消千里情。
話舊別離堪感慨。從今花月幾逢迎。
紅塵振去衣巾潔。欲伴松泉養我生。

白鶴樓集

輪馬卜得碧山陞。可樂兒孫歡洽時。
輝障畫圖同競巧。響雲絃管互爭奇。
青松屈曲低臨石。白鶴聯翩舞暎池。
好是此中堪養老。千春來醉月花卮。

木 邂逅古賀溥卿

聞說方從東道回。何圖復踏嶺雲來。
蛙原樓上曾披臆。蝸殼廬中此勸杯。
一路騷人有誰敵。數州風景任君裁。
海天西指三千里。何日相携同倚臺。

寄山縣文祥

滄溟天闊擁雄藩。西望千山夕日昏。
幸有枚乘過蜀棧。更知司馬壇梁園。
荒亭曾別三年夢。落月常消萬里魂。
寵命待君東向日。重經山道叩柴門。

寄懷德山侯

深嗟世事隔風流。想像西天白頭賦。就淮南分大
小詩。工鄴下引。應劉防。長山擁納涼閣。三十灘遙乘
興舟。更約東都朝會日。高樓扼腕說千秋。

題畫

山南山北白雲秋。江水洋洋拍岸流。知是送人猶未
返。眺來帆影坐岩頭。

送方壺山人之筑前

忽爾辭家忽爾行。飄遊不待旅裝成。煙波曉嘯琵琶湖
水海。月夜吟明石城步。健山河無險隘。交多邑里有

逢迎。維時季夏炎蒸甚。往矣朝昏慎養生。

遊金輪亭

冠者無童子相携。叩簞門優游。忘富貴俯仰別乾坤。
白雪雲中岳。蒼煙樹裏村。釣魚將弄筆。對局或傾樽。
唯喜幽情適。偏忘俗禮煩。丁丁幽伐木。噉噉響啼猿。
數讀閑居賦。時披樂志論。為憐螢火照。不恨夕陽昏。

仲景讚

不知其子孫不辨其先系。一部傷寒論足以傳萬世。
黃帝岐伯讚

有若聖帝有若天師議論的確鑿道惟熙

題觀音大士圖

岩頭跌坐幾秋春日夜風濤動四隣
最想晴空明月夜三千世界絕纖塵

和瀧南谷見贈韻

自別江都諸彥還獨對千山與萬山
堪懷墨水堤南會花月猶懸夢寐間

今茲戊寅寬齋先生年八十矣聞方其覽揆之
辰併為尚齒之會賦賀之

藝苑豈唯稱棟梁階庭蘭玉廣譽揚
兄如米芾專於宋弟似王維歷倒唐
天上瑞星臨錦席人間大老集朱堂
嗟吾千里猶留滯遙寄詩篇代壽觴

和岡田氏題富士作

吟詩忽似御天風千里飄然上遠空
如此高才何所並芙蓉突兀白雲中

題關羽千里獨行圖

提刀千里出王庭關上斬人紅血腥
豈只當時無匹敵為神萬世肅威靈

題畫

何來小鳥獨逍遙。閑苑無人自寂寥。奇石幽林歡樂足，笑他九萬搏扶搖。

又

鳥來終不去，花開終不飛。願伴花與鳥，長此弄春輝。

寄石梁先生

邂逅論心芝水潯，一朝分手即商參。三年同醉花前酒，萬里難披月下襟。雞叫泮宮開縹帙，猿啼霧閣對青岑。依君稍就千秋業，回首何忘恩遇深。

十六夜對月

秋半三宵期月明，兩宵皆雨一宵晴。慚無佳句酬清影，空倒匏樽坐五更。

新茶店

新店依林連畫甍，盛來薇餅布糖清。平時非學夷齊隱，三椀喫終鼓腹行。

贈之

全惠師拾摺扇於甲州城中，其面畫松樹，賦此贈之。

仙人駕鶴過城邊，寶篋投降鐵鉞前。拾去開之松樹

綠法燈應照幾千年

題獨湛和尚雨寶岩

維昔明神化老翁來迎法駕紺園中仙岩自古清泉
迥瑞沼于今香霧濛趺坐夜閑蘿薜月妙音秋響竹
松風靈容再現應斯日道德知君等覺公

牧野鉅野見訪分韻得十二文

相遇先論詩與文開囊錦字亂如雲吟來恰若仙遊
去唯恨西山白日曛

又

雞黍相迎岵水濱論心話舊酒方醺君言此去遊神

岳賦就爭飛五色雲

和牧野履卿見贈之韻

何思遠訪碧山深掘手聊消離索心坐上行遊諸國
話囊中錦繡衆賢吟供君盤味唯青菜贈我詩章盡
蕪琳縱使斯盟長不變東西別去幾時尋

加藤清正贊

霸府羣雄誰若君征韓向處建奇勳神靈當與關侯
匹名譽長傳鬼將軍

熊谷驛即事

四野蒼茫山又河岡頭箕踞獨高歌休言天地知音
少右有芙蓉左筑波

得杏坪先生見寄詩時聞先生開平田山園因
用其韻却寄

賴家兄弟並龍翔堪比明朝有二王聞說開園泉石
美風光孰與弇山長

賦得菊有佳色壽北條氏

白蕊與黃葩籬籬錦色等中餘玉露湛長此助仙鼎

題柳本侯三輪杉造硯匣

君不見三輪之山截嶺連曾降明神幾千年慶雲郁
郁繞碧嶂古樹森森叅青天中有七株老杉木枝枝
百尺蔭深谷仙鶴羣飛樹上巢仙鹿雙過樹下宿伐
之劉之造硯匱木理連珠自含瑞光若瓊玖香如蘭
此物人間稱無二君今得之藏玉室恰同江淹得彩
筆從今詩賦自翩翩天下騷人誰能匹

八詠為南谷君

玉樓洲景辰天子凭高峻近遠起新煙喜看民竈賑

右新煙

上日正黎明雞聲聞遠邇家家響轆轤應是酌新水

右新水

千條窗外柳細縷拂庭長新葉年年茂恐遮春光

右新柳

一夜山村雨朝來草滿庭柴門人不到幽徑日青青

右新草

一對紅襟燕呢喃集玉扉應尋舊巢處幾繞彫梁飛

右新燕

生翎未有日栩栩覓花來舞態猶無力隨風幾度回

右新蝶

梅骨纔開花柳絲未掛黃忽聞倉庚囀遠近自春光

右新鶯

新月如銀鈎暮天藏茂林從今四時影幾入騷人吟

右新月

賀南谷君六十初度

瑞芝春秀五雲端開宴樓頭倚彩欄詩賦爭投圭與
璧兒孫並侍玉將蘭簾前鶯囀如呼壽筵上花飛似

助歡千載期君揮健筆東方長此護文壇

哭雪齋老疾

一結詩盟三十秋乾坤回首憶同遊憑欄共賞駒山
雪携手同吟墨水流又有沈痾隔良會終無靈藥解
殷憂人間獨駐書將畫芳譽長傳大八洲

春日會芙蓉樓得明字

芙蓉樓秀對春晴邂逅相逢弟與兄賦就毫端連美
錦興來酒量各長鯨棲鳥低繞綠山噪斜日遙含富
岳明咫尺我家歸路近任它隣院暮鐘聲

春日集歸卧亭得麻韻

近市幽亭靜不譁蕭然深樹似山家庭隣聖廟含祥
氣門對神田簇彩霞手裏談論殊有味毫端珠玉自
無瑕厭厭高興忘歸坐莫問林邊日暮鴉

題舟載鶴圖

幽人何處住雲影幾層山蕙帳留猿在栢舟載鶴還
為玄對翁題五瑞圖賀其七十

君今畫五瑞萃開慶賀筵各上千年壽應保五千年

哭梯季禮

功名豈但動寰中，翰畧兼傳撥亂雄。
闕廓受來孫武子，神機總得素行翁。
曾浮江水舟添興，同坐池塘毫競工。
山閣解携如昨日，何圖永訣恨難窮。

哭高田西巷

憶昨浮舟溯墨川，醉中同賦幾多篇。
刻成將示君先沒，空贈一編懸墓前。

白鷗需詩賦贈

陶氏竒工誰不驚，花壺茗碗手中生。
風流別有蕉門譽，天下愈知常滑名。

軒遊墨水憶石梁先生，嘉祐年時對玉童。
音韻

去年同艇墨河中，君在西溟吾復東。
櫻樹不知離索恨，萬花依舊月朦朧。

遊枕流亭與諸子同賦

百尺亭高墨水東，回頭去歲感無窮。
綿蠻繞樹禽相似，潦倒傾杯人不同。
載妓樓船絃如湧，學仙碁局手爭工。
林園何恨春花盡，花在翩翩彩筆中。

清音樓小集贈岡田氏

欲聞高教久無因，偏喜一朝相共親。
忘禮不關賓與

主論心寧問舊將新池頭波起過雷鼓松抄雲晴懸
月輪獨奈歸鄉期在近迎君何歲醉芳辰

己卯夏病起作

暫時吾同疫鬼居小鬼跳梁大鬼噓大鬼炎炎身如
大把我直欲上大虛哉乃從容對鬼白我齡八十不
足惜人之在世如電光一朝消滅無蹤跡死亦可矣
生亦可譬猶風柳日裊娜峽中風光水與山風流主
人誰同我疫鬼聞之如有思忽爾縱我任所之別有
神光照暗窟羣鬼散走毒霧披振衣復上清音樓樓

上揮塵對清流請看駒岳峰頭月清光依舊照千秋

新園應侍女兒嗚子需題伯牙園

天地別開琴曲間或為流水或高山斯時若問心中
事萬里清空月一環

送方壺山人之羽州

丹鳳何圖下碧岑逍遙相對十年心一朝縱擊青霄
去回首時思枳棘林

為吉村大夫遙題南湖亭

君自名家罕匹儔功勞千載口碑留豪鋒昔碎原頭

陣麗藻今凭湖上樓江草雲開彭蠡曉煙波月照洞
庭秋白河東望山川渺安得論文更一遊

七夕前一日雨中集

佳節飛杯倚玉樓園林雨濕冷雲浮縱妨天上雙星
會解得人間三伏愁

寄懷松蘿公子

江城一別歲年流星往涼來不少留遙識風流親謝
傅園中丘壑志楓秋

原在輕井澤

出驛吟行興自豪原頭停杖獨翔翔山山雲凝天將
曉杜宇一聲殘月高

再遊唐澗懷方壺山人

詩思難休探勝情籃輿又傍碧溪行雲深未見懸泉
色林密先聞驟雨聲銀漢依然自天下玉龍無恙倚
岩清同遊載筆人何處東望暮煙千里平

望白雲山

古祠千載倚江干多少靈蹤隔水看高樹森森祥霧
外竒巖簇簇彩雲端千尋磴道穿煙直百尺瓊樓暎

日寒老去深哀無勝具停筇仰望獨盤桓

己卯中秋月蝕

少年憶昨我顏紅一曲高歌皎月中
驚見晴空掩明鏡嫦娥應慙白頭翁

途中賦示諸子

雲埋山野路西東貯火龕衾小轎中
更羨汝曹頻唱和堪慙老廢白頭翁

發東都即事

幼孫戕尤憐知笑未知語東都億萬人
別愁只在汝

江都客中送別友人時予亦將歸歧岨

君歸海上我山中恰似浮雲散碧空
元自天風吹不定飄揚更待集江東

同前除夜作

避寒來此地留滯過年除家近孫雙侍
驛連書不踈苔青園雪盡簷白砌梅餘
遮莫又加歲迎春意淡如

同前新年作

几上試毫罷誦詩先澆甯迎春延壽盞
報曉自鳴鐘籠鳥聲愈喜瓶梅色益濃
科頭忘俗禮偃蹇獨從容

題關雲長圖

赤兔之馬青龍之刀常助火德事劉敵曹義氣凜凜
世仰雄豪

題子路負米圖

負米養親折節歸聖由同其名不同其行千載之下
漸且畏敬

萬歲贊

一僮鳴鼓舞持筵一奴隨元日朝暉下令先解頤
挹霞亭望御岳駒嶽

有樓有沼有弓場會友歡娛不可量鄉思殊憐雙岳
秀雲間帶雪媚斜陽

題王羲之圖

豈啻英才絕匹傳愛戴揮筆自風流蘭亭帖就無人
敵廣譽獨留千萬秋

題竹畫壽二宮氏七十

畫裏乾坤別自無風雪殘從今幾千歲日日報平安
留別大秋鹽三生

不樂紙鳶無土城賦詩憐汝坐鷄鳴更期千里投荆

壁幾度開緘使我驚

奉謁

先君明公廟

日曳長裾彼一時罷官歸去歲華移曾陪曲席論仁
政或待燕居聽誨辭濱館風涼吟赤岸山莊月照醉
滄池舊恩如海將如岳唯有涓涓涕淚垂

大黑天贊

囊槌何所納珠玉及金銀欲選善人與不與茲邪人
飲對遊挹霞亭對會大黑天不下量微思和初贊

高樓臨碧甸隣里總荒街白點梅侵屋青垂柳拂階
傾杯凌李白對局擬洪崖終日離塵網遊優忘老骸

題畫

下有青苔厚上有綠樹重中間箕踞者定知崔興宗

又

曠原多水草飲啄日縱橫堪笑彩籠鳥偏傲彫鏤榮

又

小艇訪詩友載樽行醉吟縱無雪月色高興似山陰

題瓜圃

應是青門種畫得自離離美哉筆端味不待割黃皮
題雪亭畫

隱淪何處子曳杖白雲裏定知扣僧房終日談禪理
釋迦孔子老子讚

杳微斯輩長夜曼曼能道不同元自一貫

題山水圖

樓南峰岌岌樓北海茫茫吾願炎蒸日凭欄納晚涼

題冰湍圖

秋深嶺下霧埋徑晝靜橋上樵駐節不識人寰何處

所高山塵隔幾重重

尾陽客中宴滄浪先生父子於草堂中語

把筆固知稱棟梁校書鐫石大名揚鳳毛殊有超宗
在奕世長傳五彩光

題大澤四郎左衛門肖像

一隅死生年幾移遨遊猶憶月花時音清謠曲欺觀
世辭巧和歌凌貫之非為丹青畫生面何由咫尺對
幽姿吾將話舊君無荅唯有蟲聲唧唧悲

題廣瀨氏像

繼父祖業習禮善書忠勤不懈常戒逸居

答荅州江上先生

遙投明壁竹林前
驚見輝光照晚煙
堪恥山中一衰叟
空將藥裏度殘年

方壺山人自羽州歸時齋宜雨堂中諸賢見贈

詩曰喜而有述

遊子遙歸自羽州
開囊詩賦擬千金
句連珠玉光爭照
墨簇雲煙色互浮
朝裏羣賢都再閱
校中諸子各曹劉
吾鄉徒有駒峰雪
郢曲由来難可酬

應越教授士潛需寄題雙珠閣

維昔雙珠破虜年
旌旗指處偃朝鮮
誰知四海昇平日
更入樓頭大雅絃

題普門刹主竹樓聞樓外有好竹樓中窗柱盃

盤悉用竹

愛竹春秋風月淨
知君獨坐舒幽性
回眸無物不此君
還笑子猷空嘯詠

為淺見子慎題彩石浦

浦中奇石秀帶日
暎滄海騷客更題詩
時時開五彩

和松田伯古予所嘗著看忘形集見寄韻

西望幾年懷霸城空聞多士大邦名得詩深耻忘形
集元是岨山猿社聲

為花溪老人寄詠武田信玄古壘

陣色曾輝駒岳月軍容今駐富川雲日東兵法多尊
勇智等孫吳唯是君

未及子留滯福島數月日相會園基不知歲月
移今也將別日賦此贈之

司裏之遊樂不窮好拋千慮競雌雄回頭夏過秋將

半日日使吾坐橋中

送男良喬遊京師

載筆盤桓京洛間日逢名水與名山斯行况又多詞
客待爾句中收得還

題冰湍圖

百尋高岸十尋梯澗若青藍橋若霓仙窟不知何處
所滿山雲霧使人迷

和杏坪賴先生見寄韻

羨君崛起海上村夙建文旗據天藩彩筆以代頌與

鞭幾排墨陣向燕閣紫閣諸儒拚戈奔講說不怠朝
將昏揮毫自在輕林猿一讀風味勝熊蹯文中正堪
稱上尊諸生嚮慕同子孫兀坐日誦數萬言羣儒相
對比鉗髡吾無良緣未入門空住深山卧林園豈圖
君子愛人敦寄詩遙訪谷水渾得此恰齊環與珉大
雅之響猶自存句句自然帶春暄吟哦使我頻倒罇
雄篇最驚佳句繁温故自無斧鑿痕讀詩方如對顏
温千里不用更縮坤相和不厭兒毫煩非是鬪句張
吾軍

題水哉亭與原正興

有亭纔方丈柴門傍水濱涉園時摘菊坐岫或觀鱗
楓染城山夕櫻埋螺邑春松杉女犢月車馬畫橋人
巧繼公輸子飲憐劉伯倫但須逃世網沈默養斯身

咏龍吐水

迸水驚看池上機半空波躍映斜暉一條銀縷穿雲
起萬片瑤花覆地飛夏日雪風頻打面暗天雷雨忽
霑衣望來方覺炎蒸去蕭颯涼飈入竹扉

十六夜與良熙良祺良彰良緒等賞月清音樓

待月凭欄望後天雲晴遮莫欠些圓耽詩又把前宵
筆迎客再開今夜筵拊膝放歌忘老大枕樽沈醉是
神仙堪誇羣從多才子空愧吾無靈運賢

秋日過對岳樓

憶昔陪公賞暮秋從遊如雨此憑樓只今唯有蘇
門叟感慨來臨岨水流

對白樓

樓頭樽酒賞秋時月出千家夜色竒怪得窗前人若
織門隣安倍古神祠五興

諸葛亮贊

智勇自為三國冠王師六出敵逋竄將星如不殞營
中吳魏應齊朝蜀漢

贈顧鑑和尚

千山霜落夕陽紅偶坐論玄白髮翁把麈為吾開要
路天堂地獄一揮中

和某氏見贈

負囊東與北不厭露霜侵開帙通儒雅論方兼古今
豈唯醫國譽偏抱活人任別有詩中彩時歌白雪音

江都客中除夜作

憶昨開筵七十辰，光陰荏苒似回輪。
三千六百流將盡，斗柄移時是八旬。

同前新年作

春來春去又迎春，屈指方驚盈八旬。
從是生涯何所業，看花對月醉芳醇。

應大學堂主人需

新開墨鋪尾城西，諸客珍藏與玉齊。
海內只今誰得已，人言日本李廷珪。

哭犬山老侯

吾曾同職亦同年，懷舊牌前淚如泉。
官舍揮毫俱議政，公宮待宴共分箋。
庭棲綠鳥籠中樹，山簇紅霞畫裏天。
預約春來互為壽，何知還賦白楊篇。

應土岐氏需題龜畫

朝泳瑤池彩巖岬，夕眠蓬島慶雲濱。
寄言分取仙齡半，當贈風流愛汝人。

題西行圖

一笠將一杖，天地獨逍遙。
元既拋世界，何以惜金猫。

和蘭室見贈韻

養痾赤水南日日擁爐寐時或吹鳳笙聊緩鄉關思
遠望芝海平近對綠山峙窗外有鶯來門前無客至
驚見詩篇降毫端躍龍驥開之試高吟席上響山水
誰識隔關河能使人仰止是時最思君離恨無涯溪
杜門已越年殆似隱道士方聞梅莊梅放香春最美
但欲為鳥飛不羨金將燕嗟乎此沉痾不知何日起
入春已二旬居諸如馬駛羽山空相眺月昇晚霞裏
三月十一日泛舟即事七首

童男與童女相雜憑丹舫中有白髮叟人言徐福船
海上帆微茫松梢樓隱見未遇艷花繁先仰海濱殿
石崖長萬丈中斷架長橋憶昔陪公宴凭欄望怒濤
二國跨飛虹繫舟橋柱下橋頭何處侯陸續連車馬
岼上聳高閣玉欄臨水清昔曾吾住處花鳥笑相迎
雨洗櫻千樹枝枝白雪寒綠憐萬花艷不厭泥途難
海岼隔雲霧朦朧月挂空暗中響絃管定知醉歸舟
御殿山
飄然曳杖出人寰百畝仙杯醉裏攀雲外千帆芝海

水天邊二嶺筑波山草承衰膝青茵嫩花點客衣紅
錦班歸路偶敲騷侶宅吹笙月下憑籃還

同諸詞客上高輪樓

迎客樓頭俯廣瀕蒼波風烈夏生寒簾前大道連江
驛雲外危檣入竹欄坐訝鷁舟依岬放人如鵬鳥向
風搏諸州名彥流萍會不識何時繼此歡

普化禪師贊

雲間振鈴去冉冉昇虛空更寫無聲響長留竹管中

詠葡萄

知是甲州種萬顆紫玉濃怪來帶仙氣日夜映芙蓉

哭三輪韋齋

聞箏憶昨醉蓮池一去不歸何處之誰識今春壽星
夢祝辭還作嘆哀辭

壽瀧川君

江府將張海無由勸壽杯更憑仙鶴翼千里獻瓊臺

江都新年作

春天斗轉曉光寒更說新年此盡歡方有子孫雙慰
我他鄉却作故鄉看

除夜

病中守歲曲屏前枕上何知斗柄旋日照驚看紙窗
下家人喜喜賀新年

題畫

親朋携二三浮艇同相樂逍遙意自忘不問人將鶴

同前

隱淪何處客浮艇碧山隈蕙帳留猿去獨携仙鶴來

送別

芝海醉吟客居月彥山夢遠故園林待君如向西空

去歸路敲廬發雅音一陳公率部平起平

吟咏常遊翰墨場人多毀笑少稱揚毀譽何足容胸
腹知己乾坤一石梁宋以來書畫一於此天山

予阻疾滯輕井澤驛不得歸鄉悵然為詠

淺間山下驛小室養痾停伏枕既三日長途尚幾亭
星霜驚荏苒衰老嘆伶仃徹夜終難寐鐘聲隔被聽
輿疾葭輕井澤驛作

抱痾辭古驛曠野靄朝暉篋裏齋醫藥轎中著寢衣
病眸山色暗衰耳水聲微故國途猶遠不知何日歸

和道安雨中過鵝湖韻
轎中雨暗獨呻吟
山色空濛湖水濤
病裏三峰難望
得陰雲元自識吾心

武田信玄贊

古昔之戰勇力先此軍有紀律自此公始

題壽星圖

我本無大德偶然保老年
以來壽考事一任此天仙
題幼孫幻夢童子肖像
久而頽悟容貌如珠一朝忽碎嗚乎嗚乎

過瀧川南谷宅
隔年來問故人家
青眼依然興益加
此日欣君挂冠
去春遊更約墨河花

宴梅樹下

樹下傳杯醉裏僥
聞箏裁賦興堪乘
驚看梅影生筵
上回首東山明月昇

送鉅野履卿遊松島

匹馬乘春留不留
逢迎過處自風流
待君毫末傳佳
興月白松青七十洲

送國見以禮遊相州聞程谷驛有祐尊師者保
壽一百十八歲此行也以禮將訪之

匹馬尋春載筆發山上桃花海上月若過仙源蓬地
仙為吾應問長生訣

遙題雨亭

亭後仙山樹鬱蔥海中神廟雲飄忽深嗟衰老遂難
攀遙寄詩篇與明月

題松木氏樂園

玉堂折腰罷歸坐獨抱琴松有颺颺響泉有冷冷音

何必賦歸去幽獨棲深林時或開書帙倦則立行吟
洋洋又踽踽照得古人心

林間題黃偁氏園

公曾學西土亦稱文字師豈啻教文字旁傳奕秋技
海內一忘亂戶戶弄園基名手代崛起閑巧入神奇
本井將林安各自競雄雌遂為坐隱祖世世長禱祠

題畫

先生將稚子閑步知何之應是山亭裏臨風欲賦詩

鈴谷黃鳥

黃鶯春樹裏百轉戲花來登嶺又降谷登降知幾回
題鷹集松梢圖

一離拳上去隨意冲晴郊縱住黃金架何如綠樹梢
哭中邨伯先

日暮淒然對碧山此時聞訃淚方潛吾生同國無由
會君入冥鄉不復還懸水長悲危石外飛鶴幾哭茂
林間深嗟一失神鑿去無奈膏盲衆庶艱

中秋集快哉亭

日落濃雲擁碧岑更依佳節此披襟興高三五宵中

會交熟管絃聲裏心矢澤水搖朱檻湧圓山樹霞畫
簷深十分酣樂歡方足天上任它晴與陰

喜氏枕流亭即事

連山傍曲流長路對高樓借問往來客知斯涼界不

題壽星圖

日東風靜瑞雲開治化方為萬方魁縹緲彩雲天路
遠喜君殊下我邦來

演武場觀角鳥銃

千雷聲響曉蒼蒼放銃三軍各整行勝敗互移吳魏

蜀英雄可比信何良鳥丸貫得頰含笑隣的誤穿心
最傷紅日西傾羸始定並持褒策氣揚揚

三誤中他的者有罰

仙鶴亭

茂松懸皓月叢竹擁清風中有雙仙鶴朝昏伴老翁

賀泰然師住願行寺

喜君卓錫住斯山仄徑纔通萬嶺間我亦平生甘佛

理時時來往叩雲關

留別良熙

抗疏孤身向上都霜飛一路萬峰枯斯鄉自古愁無
食待我方求牧與芻

留別良祺良彰良緒及大達秋維吉禎鹽精武

矩文

秋染楓林萬嶺寒河梁將別駐吟鞍殷勤相屬三冬
裏夜夜攤書勿宴安

留別方壺山人

幾遇艱虞心未灰飛騰元識絕塵才更期歸到春風
裏抱瑟同登郭隗臺

將別方壺山人途中口號

知君別後事吟哦吾亦應
裁客裏歌此地明年相遇
日開囊好鬪錦篇多

淺間嶽

經過對岳幾停筇今日方看雪裏容
似是山神求我句雲煙開出白銀峰

佐野懷古

高士千年芳譽殘路傍懷古獨盤桓
唯今鼓腹昇平日何用為僧問苦寒

途中偶成

咫尺難行奈老何顏齡深歎益蹉跎
斯身幸值囊弓日安坐轎中弄景過

題八仙人圖

八人八樣顏高潔將清爽誰識胸襟中
皆同脫世網某氏以鷹入其家為祥需詩予故賦之贈

冬日陶白堂集得日字

偶然身入芝蘭室坐會名賢各弄筆
况值南軒夕照

晴紗窗暖處如春日

予八十初度子孫稱觴因賦之

維歌維舞百花前環坐傳杯齊听然是日神仙何是
羨子孫和樂戴堯天

賀小谷氏祖母米壽

朝昏禮神佛懇祈主禎祥今日保高壽可知其報應
秋夜與龜子寬方對棋

月落鐘流半夜樓沈思不語對紋楸通宵交戰無人
敵共道岨中一奕秋

題瀧川氏晚香亭

亭隣籬菊菊為牆五色重重玉露香若使古人窺此
塢牡丹何獨號花王

題藍淙川

水碧長流藍不如臨崖樓閣畫甍餘人言夜夜靈風
起此地昔曾埋怪魚

題鶴書

何來雙鶴下江天蓬島春光瑞氣連海外斯鄉真可
樂遐齡無限幾千年

春日細雨得真韻

濛濛細雨濕松筠樓上吹笙獨養神
露葉光搖臨水柳泥途跡少叩門人
雲中塔秀緣山晚煙裏村幽芝
浦春人道梅莊梅既發俄脩藍輦待晴辰

壽蘭室先生八十初度

吾未識顏先識心詩中交態隔天深
期君共得無疆壽唱和千秋聽玉音

春日清音樓集送秦氏歸張州

迎賓雙倚竹欄干雨歇柳梅含露寒
健筆揮時詩嚴

錦天杯傾慶酒生瀾明朝縱有山河隔
今日喜同琴瑟歡歸路若過岨谷宅
敲門為我報平安

遊龜山侯別莊

朱邱別開芝海阿入門山色疊青螺
九迴途急花間阪萬頃水平雲裏波
深室圍棋競雄畧芳筵釀酒發狂歌
推敲未定忘歸坐垂暮嗟無招日戈

同諸子題嵐山送牧野伯脩之京

君不聞平安元是真樂土舊蹤名區多
如雨就中嵐山最稱魁櫻花爛熳無今古
琉璃屈曲流一條拍岸

抱岩繞山腰雲間鈴響天龍寺花裏虹懸渡月橋
橋邊依岸長連棚美酒玉鱠又香羹美女如花競妖嬌
處處風傳三弦聲嵐山由來清幽地何知一朝如市
肆喜君方到嵐山時高吟應驚俗子睡

雨中遊墨水

春雨曾遊墨水東今年又過春雨中櫻樹見吾應大
笑泥途復到白頭翁

送樺島子述經木曾歸筑後

並棟棲遲赤羽濱一朝分手嘆離羣推窗夜醉鵝湖

月駐馬朝吟駒岳雲幾處探花頻弄筆誰家尋友細
論文而翁若問春遊事墨水浮舟最憶君

送松文雍歸羽州

養病閑園夏景移一朝驚聽告分離十年賦興都為
夢五夜月光空惹悲地隔八行唯是賴天長再會定
何期蘭翁歸日如相問須道老衰猶嗜詩

題畫

石崖高萬丈下泛一孤舟如著一仙鶴宛然赤壁遊

又

長橋廬岳下停筇一老翁怪得玄言罷二人歸佛宮

詠柳

萬縷春江外拂堤嫋嫋垂憐君將弱質南北任風移

元日對雪

春風吹雪入闌干煖酒爐邊擁褐看方想朝天車馬

客禁門端笏不堪寒

復寒

春園昨夜度陰風苔岫波冰小浴中遽襲綿衣君莫

笑今年八十有餘翁

病中上白河老侯

憶昨高堂受教時回頭荏苒幾年移政成功業同伊

尹身退優游以范蠡剛健多君弄花月老衰慚我似

童兒深嗟一病妨良會何日陪隨謝厚誼

贈五山先生

君好宋詩吾好明怪來異好却同情揮毫能寫胸中

想何問明聲與宋聲

哭南谷龍川君

豈料俄為泉下人徘徊憶舊獨傷神芳樽醉月芝江

夜彩筆吟花墨水春翰牘空存探勝約逢迎未果會
朋辰遺編自有連城價令譽長留東海濱

題畫

雙立奇禽皎皎姿春園刷羽日相隨此中應識非人
世琪樹花開無落時

題畫

山鳩梅樹上獨立弄春暉應將護花切朝昏不敢飛

題詩仙堂

吟哦日夜伴詩仙翰墨優遊四十年天子呼來終不

至芳名長駐鵬河篇夢遊天鈿首

題畫

危哉岩上遊一轉忽投水誰識世中人其危亦若此

又

茅屋深林外前浮四五舟定知詩酒客繫纜此中留

宮地正奉為東都守邸賦此贈

憶昔馬塲覽汝時何圖才幹竟如斯吾今自抱知人
譽朝暮慎休令我嗤

青香透田生先予歸政岨

清音樓下沼亭扉夜夜夢魂千里飛
籠鳥益松君護去更除幽室待予歸

秋夜與龜子氏對棋

對局先忘世上情沈思不語競輸贏
斯時自有無量樂遮莫晨鐘報五更

和松平熱陽君送別之韻

思君長路向西行猶記同遊半日程
池岬松高仙鶴下山亭苔厚彩雲生
筵連琥珀杯盃益耀園隔水晶竹
石明塵去歸來殆如夢送天搔首獨傷情

歸鄉記喜

黃髮深山一老僮扶人携杖樂昇平
常憐園鶴稱仙侶獨愛盆松發嘯聲
棋局對時暫忘苦詩文廢去不求名
令孫令子爭迎我日日移輿比陸生

新涼

昨夜新涼四隣滿先看桐葉入風聲
戲言蕎麥實將成製麵應餐三十椀

與道賢

多爾濛濛尊萬葉風篇篇自與盛唐同
雅遊何必論和

漢為許清音詩社中
河合士鴻索予詩回賦贈

何知蓬髮坐雲人
偶下岨山此度旬
幸得神仙島中
藥將迎八十二年春

臨終示子孫

良子臨終何所言
吾家世世守關門
關門美矣山河
固惟須講武答
主恩

清音樓遺稿卷之上

010190524537

48-13257

